



留素堂詩刪目錄

十一卷 蘇州刺史 蘇州刺史 蘇州刺史

元旦效

子帥自扶風寄詩兼惠古占有作

獨飲

雪樓

徐巖叟州守過訪借柳居小集以瓶梅見贈

元宵二絕句

正月十八日遙送子帥扶風南還



春寒

夢送客

雪

夢與寶水飲

徐徽州宋清水諸舊僚為言當事將開釋死安

笑而謝之

銅雀妓

十張輔宸楊際亨武略三生携酒至

欲歸

早春歌

逢謝叅軍別

野鶴

採蒲行

春雨

蒔蔬

歸鳥

園丁獻新韭却之戲占

渭上作

杜門

蘓武

李廣

姜維

侵欺獄成赦罪作

渭濱釣者

鞞韃

春夢

招張武二子

春愁

花影曲

聞雁

清明

江南樂

雪朝

一出

隴山操

花雪曲

舊條為言官事將開釋元安

二十三日謝非所清國海遊戲書吳冰

清明時送同許方定

江南樂與荀員外書也並以魚味為前年

雪朝古詩也書三體愛海

一出不單牡丹同沈靜園顧介庵

隴山操長安楊華亦見贈

花雪曲隨劇局聖年書法曹白牡丹

上巳飲渭濱

得故止見寄詩集

種菊

陳胤倩燕中寄書至讀竟感賦

屯部郭寅客員外書述近况兼和詩有作

柳巷

雨

愁在

三月二十一日臨洮沈靜園郡丞遺書見招

同許鐵堂王蓋潭鐘靈寺池上作

哭諤方

李乾行明府邀同許安定吉兩當集報國寺

胡杜二秀才書齋牡丹初開同鐵堂相訪不遇

郭給事招看牡丹

偕何永昭過范恭惠宅看牡丹

看陳參軍牡丹同沈靜園顧介庵

楊員外折內園牡丹見贈

沈郡丞邀同葛聖阜看法曹白牡丹

看殷園牡丹適吳令亦至曹白詩長

白衣洞看隔牆牡丹長韻

與聖阜永昭尋北關牡丹遂逢王荷澤明府偕

都訪王孝廉陳叟喬老家中長

仁壽觀女道士牡丹

史尉自太原來述邁人近博南懷室詩言不遇

素公見過

木塔寺尋素公逢洞空上人

讀郭給事奏議

端午雨

靜園招午飲同陳叅軍葛廣文

奉獻羅約坐方伯二首

漳縣黃令送酒錢

林彙庵邀聽謝山人彈琴

奉送靜園還臨洮予亦東歸伏羗

五月二十三日早發隴西

還借柳居

西郊較射

手錄詩集成喜而作

溉菊

樓居

打麥

燕

懷子帥歸晉江

望雨

再赴隴西寓靜園法曹署中

南安喜雨

老罷

十二卷

立秋還伏羗

對奕客至戲占

聖稟客臨洮有寄

早秋禱衣

飯僧

七夕雨四絕句

酬顧介庵寄題借柳居詩

林藁庵見訪便送入都

寄李湘西

和溯西題爰廬作

代秋閨八絕

聽彈箏者

大像山下獨坐

李生倚公借我楊園開竇通徑樹援規圃引水

七月晦白露

池掃板屋以待客爰作詩二首

和杜甫秦州雜詩二十首

雙鷓鴣

出塞詞

八月十六日遣使

寄曹秋岳行

寄曾道扶

寄繆文萬

寄吳準庵

寄褚硯耘

子帥寓室感懷之作
右附書郭東客陳龍倩

寄李山顏

寄朱近修

寄顧劔英

寄張二酉

寄錢栢園

寄馬爾繩

寄王涓盤

寄無相長老

戲寄濟上人

寄海寧受茲弟

十六夜作

十八日赴寧遠縣

出門行

野田黃雀行

廢將行

望老君山

寧遠署中尋子帥寓室感懷之作

逢入京使者附書郭庠客陳胤倩

雨中懷聖阜途次
晴窗客刺繡青

山城聞鐘
子相萬里海對之新

秋日寓署率題

聞許仲將左遷建昌丞有懷

睡田黃菊於

悲秋
補絕

送客之涼州

京師秋大水決東西河沿靈佑宮前火出地中

清渭
寄史將軍

出寧遠西關渡渭陽野宿

渭陽新月

過礫石川望魯班山

對雨感懷

逢許鐵堂

九日雨霽同友登鰲道西山去謝馮謝寄

感遇二首

容我辭書入見訪
不遇惠衣身酒此寄

戲題

醉

戲與傭書人

楊君贊再至羗中

秋岳書至為予訟寃兼招歸去慨焉擬寄

立冬歸伏羗作

十月三日夜

陳淇瞻攝別駕事至羗見訪

屢枉淇瞻携酒柳居促坐夜飲

無題

送姜千戎赴京補職

遙代家人作六絕句

幽人

贈咸寧郭丞九芝二首

贈岷州李守戎明庵

重題報國寺陋室

送郭丞還京兆

楊雲嶠員外見訪不遇惠我尊酒此寄

喜遇遼陽孫太青

永寧鎮西逢王明府馳

同劉判官早發山丹遇惠本尊西出

天衢鎮

寄郭丞

十二月十三日送君贊南還

連明府惠酒贊侑以臆梅招飲對花得句

沈郡丞李明府見招過歲不赴有作

除夜

送妻于江步京辭

留素堂詩刪卷十一

自好林間世亦無
平放無名各處游
嘉興將自薰丹煙著
為高首對

重塞翁編圖相見人日
從過見故人想忘能歌
猶是

正戎申所積在處高神
離地天壽區第真隨遊
同風

西出元旦眼却林風
絲柳掛柳柳柳柳柳
柳柳柳柳柳柳柳柳

獻歲尋常事他鄉患難
人仰天能不愧寓目獨
無親

笳吹增物怛耕盤覺苦
辛歎樽誰可發萬里有
孤臣

子帥自扶風寄詩兼惠古^銅自有作

東道隔年存塞客臘使在新詩古色照尚尊酒入對

雪紅泉驛駒路扶風絳帳村子帥將送板屋從今虛

上座柴門許我過高軒謂南天涯兄弟真胡越何處

重逢是故園

獨飲

平時無故客獨飲更新年不道門庭冷還為鳥雀憐

自歌休顧曲我醉亦逃禪傳坐秦中事離居得靜便

留雪樓卷十一

春來猶著敝羊裘隴外寒多白雪樓寂寞庭階生玉

樹虛無丘壑對滄洲杜門倦客入如臥映榻殘書晚

未收何必山陰乘興好天邊渭水一孤舟

徐巖叟州守過訪借柳居小集以瓶梅見贈

去年入日曾相見人日纔過見故人陋巷能歌猶是

昨西窓剪燭更逢春不愁貧主初筵色少洗佳賓肥

馬塵携到梅花香雪暖併催一夜柳條新

元宵

五度元宵感別離開窓待月上春枝家人應憶關山

客正是黃昏獨坐時

何處笙歌到草堂不須燈火月分光

引杯獨酌還成醉

笑看嫦娥倚客牀

正月十八日遙送子帥扶風南還

早知此日君歸去目送亭亭車蓋雲

他縣寄孀終得見子帥小妻尚在扶風老年別友不堪聞

人過江左留書在夢

秦中有路分惆悵春風頻度隴

各東西處黯離羣

春來春寒地半凍

小雨過林塘春寒憶舊鄉

愁心難自整莫漫柳條長

飲日夢送客

六年親友別東塘

一夜憐人客路長

為計歸期從涕淚

不知身是在他鄉

長水塘東

張籍各東西
詩云遊人別
一東復一西

夢與寶水飲
果否能安穩
分明與話言
草堂同谷寓
錦水巽東園

柳條短如髮雪片殘如月側側坐高樓輕寒刺鷲骨
黃雲塞隴城東風為飄忽吹笛落梅花不見梅花發

○送謝參軍別

○杭州謝奉階自云崇禎七年間以鞏昌照磨攝文

○縣令流寇破城繫獄十年清初釋為臨洮經歷復

○去職流落今南還已六十九歲矣聞其言為參軍

○悲更自嘆也

○龐眉南客隴西來三十居官七十回待罪前朝留狂

○獄竄身絕塞泣龍堆眼中兒女無婚嫁老去親朋有

○出灰狂問家書何所寄看君重覺後人哀回去却林

○野鶴

野鶴巢枯槐適與敝廬對磊落如長人顧爾非凡輩

不飛向我鳴淒切多梗槩豈無千尺松何由棲邊塞

羌城懼彈弋青田日蕪穢欲和菲在陰感激傷五內

○○○采蒲行

蒲生在渭曲春寒叢蘖科青青未出水旁有饑民過

摘筭猶自可採根當柰何不惜根斷絕充饑苦無多

○○○春雨

水巷從容獨杖藜相逐隣老話春犁河陰魚戲鷗羣
亂屋角風微雨脚齊此日賣刀耕有犢今年握粟下
無妻妻人多鬻塞翁泪為田家落與飲村醪一醉泥

○ ○ ○ 蔣蔬

借柳居前一席地家無鷺鴨惱庭除
勞留曲徑通好客半規小圃蔣嘉蔬未得閒閒歸十畝亦從劄劄揮
長鋤朝來抱甕白汲井坐待春雨常廢書

△ 歸鳥

暮鳥歸不息飛鳴呼其羣信宿多故枝徘徊未投林

豈無倦還意恐有彈射人况彼傷弓者落羽在渭濱

○ ○ ○ 園丁獻新韭却之戲占

邊州剪韭始知春二月園丁特獻新但道侯門能好

事不知已是種瓜人

○ ○ ○ 渭上作

尋春春水邊春事尚蕭然沙路無青草山村有燒田
目窮迷漢壘腸斷到秦川何為歌曠野飲馬獨垂鞭

○ ○ ○ 杜門

子雲寂寞老太史滯留年何處堪藉在有時逃自然

樽空常謝客睡美是遊仙
不啻蓬門外春風日放顛

○○○ 蘓武

蘓武一小臣漢家豈為意
節旄落海西十年不相棄
萬里遠君門未聞博士議
噫雪徒爾為此生已知寄
使非山林鴈附書安得至

○○○ 李廣

李廣號飛將應募起漢科
出身良家子衛霍無以過
辛苦七十戰柰此數奇何
老罷部曲散夜歸亭尉呵
終然羞對簿空自立功多

○○○ 姜維

姜維少而孤母氏相因
依投身歸漢主力扶王室微
顧嗣武侯烈時事與心違
圖隴識大勢存蜀履危機
可憐懷遠志不得求當歸

○○○ 侵欺獄成赦罪作

奏當難回羅織成死灰
小吏愧餘生豈期肆赦天

恩重敢謂三年臣罪明
簞簞飭來憑國是催科拙後

見輿情有書得上煩廷議
塞外風霜始不鳴

○○○ 渭濱釣者

渭濱釣者

渭濱釣者

羗有牛馬
貼役民為苦

渭濱釣者白髮翁臨淵矍矍形僂倮幸是足跛腰折

陀羗貼不充牛馬數釣得白魚兩三寸懶賣人家送

官府借問胡為不愛錢老身今歲當漁戶官府覓魚

○ ○ ○ 鞦韆

芳草灘西清渭東誰家墻角杏花紅穿林西板鶯邊

坐艷日青娥天上逢玉首低捐游蝶粉茜裙輕惹綠

楊風昨來無限深闥意盡在春光一拜中

○ ○ ○ 春夢

春夢今年夜夜歸梅花落盡杏花稀醒來翻下別時

淚不及東園蝴蝶飛

○ ○ ○ 招張武二子張輔辰

累日少會面子曷不我尋當為懶慢故豈以門巷深

天氣乍煩鬱早晚成春陰及此清風發相於共披襟

草堂有隱几楊園有鳴禽高興正不淺延佇慰遐心

○ ○ ○ 春愁

不耐愁隨春日長羗城花柳斷人腸誰家浮白糲榆

席何處踏青瓔珞粧塞雁來歸已過半沙風作意太

顛狂堪嗟流落江南客物色年年非故鄉

○○○○花影曲

二月三月夜正開
窻紗壁幙影徘徊
却如美女姍姍
至迴風吹動
釵頭翠
朝垂曲檻
白日前
夜弄廣陰
明月邊
一段春情
掃不去
未曾搖落
使人憐
何處燒燈
入舞席
歌聲
踏地亦狼藉
有時高映
結綺樓
後庭玉
樹皆下頭
最是傷心
長門裏
玉階幽草
同靡靡
徒然
撩亂阿嬌愁
早不飄零
逐流水

○○○○聞雁

春風東南來
吹我西北廬
時聞空中雁
不見空中書

○○○○清明

鞦韆無住日
清明已暮春
春去鄉非孝
子出塞是孤臣
芳草天邊怨
垂楊渭曲新
羗中多掃墓
獨有未歸人

○○○○江南樂

清明無上巳
春暮正風流
詞客多臨水
佳人半倚樓
長茵翠羽爵
高幔白蘋洲
遙想江南樂
親朋分日遊
六朝雪朝口占

桃花亂落雪花紅
雪作楊花起絮風
何處人家可乞
火已無寒食在廚中

○ ○ ○ ○ 一出

一出成老累何時任我真江南懷樂土塞北飽汚塵

泛艇尋消夏太湖有消夏灣持竿向富春晚年歸計遂湖海

足容人擬龜山正風流

○ ○ ○ ○ 隴山操擬龜山

○ ○ ○ ○ 謁母崑崙兮隴山藩援不得青鸞兮孰為余言

○ ○ ○ ○ 花雪曲

○ ○ ○ ○ 踏剩花邊雪看殘雪後花香泥高燕壘紅雨漲鷗沙

○ ○ ○ ○ 載酒山陰棹留春洛浦車為歌花雪曲應倍惜韶華

○ ○ ○ ○ 上巳飲渭濱

○ ○ ○ ○ 渭水情無盡慙動送羽觴遣將羈客興看取麗人粧

○ ○ ○ ○ 醉後眼青白狂來歌短長東流未到隴已斷塞翁腸

○ ○ ○ ○ 得敬止見寄詩集

○ ○ ○ ○ 人歸東越後詩寄北燕來春暮情無賴花前誦幾迴

○ ○ ○ ○ 風流我愛孟丘壑獨棲梅萬里憐同調誰當薦賦才

○ ○ ○ ○ 種菊

○ ○ ○ ○ 雨過編籬早春深種菊饒晨光熹抱甕土脉煖分苗

○ ○ ○ ○ 桃李爭含咲風霜獨自料歲寒相守意不憚夕餐選

○○○陳胤倩燕中寄書至讀竟感賦

隔年書信到邊城淚下同人急難情似欲解驂越石

父可憐作客樓君仰踟躕四海無知己嘆息百罹獨

我生紙短心長三過讀燕霜隴水一時鳴

○○○屯部郭寅客員外書述近况兼和詩有作

薄官升沉總黯魂同盟兄弟幾人存不能去國求田

舍更有為官哭子孫郭喪子知是一身依北闕那隨復殤孫

十口到南村隴頭春盡愁無柰得見瑤華淚眼昏

○○○柳巷

柳巷不容憶柴門無事關林深啼鳥密風細落花開

洗耳聽流水歸心題遠山題音通視貌孔子丘陵歌云題彼泰山如何

三月暮空復送春還

○○○雨

春雨及今好秋田庶晚成農人無暇日荒歲有餘生

何以能寬賦因之不輟耕將為迂吏請可更累虛名

○○○愁在

心弱惟愁在途窮奈老何愧從蒙難後覺負故人多

無粟分鄰里將身受網羅終然歸去得生意已婆娑

〇〇〇三月二十一日臨沈沈靜園郡丞遺書見招

故人書札莫城來策馬還過烽火臺沈在隴西患難已深

羞缺短親朋未見覺顏開遙知伍舉班荆席倘得韓

安起死灰塞外有誰能念舊翻為喜極重徘徊

春雨同許鐵堂王藍潭鐘靈寺池上作

迎夏南風發臨流暮景微同人跌坐久一選柳花飛

何處聞歌管寺近官舍此間看釣磯有魚思典酒含咲攬

鷄衣水〇〇〇哭謬方

依人非得意在洽為辭官病日憐公幹亡年報耿蘭

悔教餽口去淚把寄書看須得還骸骨踟躕歸路難

李乾行明府邀同許安定吉兩當集報國寺

故人多懶慢獨爾倍寒暄已漫懷中刺偏傾座上樽

同心存我輩放眼到乾坤莫嘆交游少年未不出門

胡杜二秀才書齋牡丹初開同鐵堂相訪不遇

問主尋花結伴來小園晝靜綠莓苔一枝發艷如闌

戶四座清陰待舉杯應須留眼看姚魏未便揮毫屬

馬枚異日重過同樂事許渾去後賦無才

洽即邵陽屬西安府

郭給事招看牡丹

去年置酒在花時，今看名花對酒卮。素女嬌因月到

後，楊妃笑為客來遲。素女嬌楊妃名欲憑欄檻移碁局

故著胭脂入艷詞，惹得香魂春有夢。愛公折贈兩三

枝。

借何永昭過范恭惠宅看牡丹

甲第摧殘范老家，繁華猶見牡丹花。露香蕊纈疑紅

粉，日麗枝疎似碧紗。咲看園林春已過，閒携賓侶興

無涯。當年歌舞人傾國，倚遍闌干散綺霞。

看陳參軍牡丹同沈靜園顧介庵

看山亭外日初斜，合坐邀賓早放衙。蓮幕開時知夏

令，棠陰深處見春花。醉來酒盞澆臺座，吟罷詩筒掛

壁牙。誰似參軍多逸興，掀髯傾倒洛陽家。

楊員外折內園牡丹見贈

楊子玄亭久不開，牡丹賦就獨徘徊。吐將赤鳳穿林

去，傳與名花傾國來。挿取水壺清几席，避他夏日蔭

樓臺。賞心有酒無過客，細把痕痕洗一杯。

沈郡丞邀同葛聖阜看滄曹白牡丹

一片花開逸白雲
白雲司裏見休文
艷香不擬清平
調雅集如看雨雪
零纖手捻來難奪色
氈巾倒後半
成醺西州尚有江南樂
留得陽春待使君

○ ○ ○ 看殷園牡丹適吳令亦至

荒蕪不改舊園林
此日花間感客深
前度潘郎無在

座後來陶令已抽簪

韓令已亡吳令復罷職先後寓園中

光華空有雲

霞色寂寞慚非桃李陰
回首十年搖落甚
冷心煖眼

任升沉

○ ○ ○ 白衣洞望隔墻牡丹

襄武城西春未歸
歲春深洞正芳菲
麗人布席成花

會蕩子窺墻過竹圍
香霧彩雲風送到
紅巾翠羽鳥

御飛疎枝影動斜陽外
道是姍姍來又非

○ ○ ○ 與聖阜永昭尋北關牡丹逢蓬王荷澤明府偕

訪王孝廉陳叟喬老家

北郭尋芳緩步行
軒軒詞客久知名
相逢下揖還停

騎共去吟花且聽鶯
野老幽居初日艷

謂陳喬

故家歌

榭晚霞明已
可憐不傍香亭看
朝碧昏黃學送

迎

開元遺事沉香亭前木芍藥一枝二頭朝則深碧暮則深黃夜則粉白

○○○仁壽觀女道士牡丹

乾池堰上看花過觀在乾池堰南畫掩松門掛薜蘿一院風

微香澹澹數枝露泣白瑳瑳何當淨界留脂粉未許

狂夫佐嘯歌借問風流魚道士魚可能新句贈人

多

○○○史尉自太原來述邁人近事有懷

冗官裁右轄未返輞川莊將謂東山起猶勞北叟望

朝廷無譽毀儒術審行藏溪上園田在并州非故鄉

○○○素公見過素公

訪公三過後柯意出山來錫杖隨雲渡天花帶雨關

未歸惠遠社已識道林才有日能離垢迷州待渡杯

○○○木塔寺尋素公逢洞空上人

東林尋一老却與道人俱軟語初心喜觀空千偈無

晉鳩摩羅什日誦千偈竹間開丈室松下結跏趺已

得廬山伴幽情自不孤

○○○讀郭給事奏議

得見匡衡疏如探禹穴書藏山能不朽焚草定何如

涕淚餘簪筆風霜辟蠹魚崔篆御史歲簡上百年徵

故事吾道未丘墟

端午雨收

隴西兩度端陽節

冷虛壘塵爵咲誰陪

處開是日有客贈予為故客不須沉九辯

悔多才一

靜園招午飲同陳參軍葛廣文

兩餘折東至應念故人寒

客孤鄉戚合座密酒杯寬

關○奉獻羅約全方伯

星陳熒熒紫薇垣

國屯田塞外趙翁孫

帝閭借閱版圖何所極

威儀共識漢公卿

章為北斗臨邊鎖鑰作

崆峒正偃兵坐鎮會逢

漳縣令送酒錢

漳縣令送酒錢

尋常酒債負三年不道延之與酒錢即與淵明始安

錢悉送此日客從座上滿出門咲把杖頭懸高眠會

向長安市去國何須彭澤田為念交游多冷落故人

煖眼獨相憐公與淵明無相識者乎公與淵明開元

林橐庵邀聽謝山人彈琴

焚香簾幙靜試茗水雲閒有客携琴至天隨神遇間

南風清小院西日澹高山操罷移情久悠然蘿逕還

○○○奉送靜園還臨洮予亦東歸伏羗

關河萬里異升沉相見窮愁總越吟欲別先期重會

面他鄉更覺有同心山邀鳥鼠空林黑水落魚龍斷

壑深悵是東西分路去長城飲馬定相尋或草草是却

○五月二十三日早發隴西

村外鷄聲斷田間馬跡分水明沙上日兩宿嶺頭雲

○游子多行路農人未出耘長歌懷短劍擬報信陵君

○○○還借柳居柳居之古遺址也

客以疑新注居安信舊廬兒童迎巷陌鳥雀噪簷除

瓶聲未朝粟塵封去日書從容還點檢生計奈無如

西郊較射西郊較射

語林趙璧彈
五絃琴人詞其
術璧曰始則心
暉之中則神遇
之於則天隨之

西郭聊遊暑長堤密柳條雍容瞿圃集飲羽宅兒驕
草淺無藏兔天空有落鵬老夫徒善飯愧不似嫖

○手錄詩集成喜而作長童血來動身垂髮利

述作踰三紀風騷自一家古蒙雖破錦舊筆亦生花

刪定何妨逸垂芬不在華曹植詩流敢言詩律細我

思庶無邪油中問是初命亦因長上日因在

○概菊二十三日早發調西

陶家瓶乍罄汲水向東籬正好朝光薄無妨草逞披

青蟲隨露落弱葉受風吹不待秋園客獨醒意在斯

○樓居無事但樓居

無事但樓居清風消長夏山南麥田收渭北漁竿罷

懶雲宿簷端倦鳥飛窠下慨焉白日馳動息有代謝

而我越草莽猶未歸旁舍如彼行露人向晦不知夜

○打麥東家打麥婦與姑

東家打麥婦與姑兩鬢山花壓短襦笑向隴頭行路

客為調湯餅自當厨

○燕柳居春盡燕來巢六月新雛試柳梢

柳居春盡燕來巢六月新雛試柳梢秋社將歸猶作

客空梁好語比同胞翩翩望古圖書側戀戀依人風
兩交休言君室堪棲託不及冥鴻適樂郊

○懷子帥歸晉江

逐客猶他縣離羣忽判年北方無暑日南國正炎天
念子璫璣器勞予江渭篇何當一雁寄空與萬人傳

○望雨
雲自西郊密風來北戶涼收書看卷幙散髮喜移床
童稚歸村卷牛羊下麥場為霖我所望庶或幸時康
○再赴隴西寓靜園法曹署中

觸熱勞形役孤身仗友生為憐排難意不憚傍人行
待逐猶秦客懷歸尚越聲秋曹堪辟暑洗眼白雲輕

○南安喜雨

入夏廉田稿迎秋塞雨鳴石門含樹影渭水落沙聲
已得兼年望無愁乞食行西風能惠我吹送到羗城

○老罷

老罷何多事閒居覺損神乞書徒費墨杜詩奮費嗜

酒更枯人秘康詩酒色令人枯藥販韓康價耕歸鄭谷春扶衰

能養拙我羨上皇民

梅香梅影淡... 上直... 國書... 依入...

西史... 人... 韓... 蘇... 蘇...

先... 國... 書... 書... 書...

... 年... 年... 年... 年... 年...

... 年... 年... 年... 年... 年...

... 年... 年... 年... 年... 年...

... 年... 年... 年... 年... 年...

... 年... 年... 年... 年... 年...

留素堂詩刪卷十一終

留素堂詩刪卷十二

嘉興蔣 薰丹岬著

塞翁編

戊申

◎◎◎◎ 立秋還伏羗

歸來玉粲宅不覺動悲秋
臨水登山遠高樓故國愁
百年無好日一葉更飄流
坐對青青柳長吟忘白頭

白平對奕客至戲占

遣日圍碁試茗杯柴門客到柳風開東坡居士好看

在和靖先生且去來

東坡不解碁竟日觀碁不厭林和靖云世間事皆能之惟不能

擔糞與著碁兩

○ 聖阜客臨洮有寄

逢君初出塞別意已驚秋遠水河湟落空山鳥鼠愁

他鄉須對酒孤客莫登樓霜前白雁信定到越江頭

時將遣人南還

◎ ○ ○ ○ ○ 早秋擣衣

一聞木葉下忽動擣衣聲塞外寒猶薄閨中月倍明

蹉跎青海信撩亂玉關情不敢遲砧杵將為萬里行

○○○ 飯僧

傾危鸞鳳巢偃息蟠蛭宅阿閣豈不榮坎井聊云適

仰觀古達人朝市歸山澤於忽又奚為幽憤徒自責

秘生慚愧多龐老羈縛釋逝將飯竺僧巨石消駒隙

◎ ○ ○ ○ 七夕雨

天上波濤注酒杯人間瓜果夜筵開風簾月榭長相

憶雨蓋雲車及早來

竺僧度未婚出其妻若華贈詩云巨石亦難數

銀灣風雨起秋波為語乃公無渡河判是佳期斷此
夕一年不恨別離多

三

今夕雙星何處懸明河空費墨御篇天孫不比巫山
女亦學陽臺雲雨緣

四

雨雨風風烏鵲飛河梁斷絕信音稀夜來添得瀟裙
水明日還須再曝衣

○○○酬顧介庵寄題借柳居詩

柳居澹秋色藻白發春華述作玄暉手荒蕪元亮家
隴雲停處合關月望中斜徙倚五株側風流籠碧紗

○○○林彙庵見訪便送入都

高軒動行色陋巷訪居人繫馬門前柳彈冠塞上塵
携琴仍過市埋劍未還津將子金臺去沈淪獨渭濱

寄李溯西

李子在客隴西今在羗署

好言逢異縣携手阻同岑俱是隴頭客空為吳會吟
隔林分月色對宇結秋陰不寐中宵寐離鴻動玉琴

和溯西題愛廬作

偶來入賓幕可是愛吾廬
調鶴陰移檻看花露滿除
晴窓餘紙筆腹笥足圖書
阮瑀依人日翩翩才調如
秋來懶西遠山眉倚遍庭梧
月上枝忽見霜前飛白
雁無衣應是寄書時

代秋閨

幽階露白泣莎鷄
更是愁人意轉淒
八月天山多雨
雪秋聲幸不到安西

三

青門知種邵平瓜
荒却園松徑竹斜
恐負歸來陶令
意時呼小婢護黃花

四

風流才子舊為肩
江渭悠悠詩百篇
可憶南村臨水
閣木芙蓉發看花天

五

空房葉落月三更
悵遠停梭促織鳴
待就迴文裁錦
字秦中先聽擣衣聲

當年錯愛養鴛鴦
蕭颯池塘形影傷
蒙寄鸚哥能念佛
催人早起獨焚香

△、七

河陽桃李誤潘安
春去秋來泪不乾
為念西州霜霰
早合歡繡被夜生寒

○○○○八

知卿隴外賦悲秋
獨對蘭缸憶遠遊
舊曲自憐歌白
苧新聲誰學唱涼州

○○○○聽彈箏者

彩鸞檀馬紅牙杖
西調淒涼動九絃
流落人間教弟

子岐王宅裏李龜年

彈箏者明肅王府人

○大像山下獨坐

半壁含霞綺餘陰
發野花悠然獨坐者
即此是山家
雲裏梅檀佛河邊
銀漢槎山上有大石雖來樹下宿
終愧滯生涯

○○○李生倚公借我楊園開竇通徑樹
援規圍引水

入池掃板屋以待客爰作詩

垂楊一畝半池陰尚未零秋鳴好禽開徑却隨流水
曲結廬不異住山深高懸白榻供佳客移種黃花寄
遠心辭吏子廉歸去晚清貧如涉故園林

二

城市丘園隔一林
羗人吹笛我彈琴
風前楊柳不生
怨月到關山
只放吟偃臥
蓬窻無俗物
抗言隣老有
清音
草堂烏几如相待
錄事何須許贈金

戴別駕以
質貲相許

七月晦白露

迷方月既黑
易序露初華
興為登樓淺
情因行路嗟

殘荷舒有淚
獨鶴警無家
深負依光願
徘徊河漢斜

和杜甫秦州雜詩二十首

已是羈棲客
非同爛熳遊
關河歸夢遠
天地側身愁
放逐成遲暮
蕭條過早秋
東柯殘土室
媿為杜陵留

二

荒蕪隴外邑
寂寞漢時宮
碧盃陰房出
黃毛窻窻空
蹇人不在地
循吏有遺風
何自悲杼軸
無衣咏大東

三

虛卷雲歸宅
昏衢風落沙
望城四五里
傍嶺兩三家

夷竈炊烟冷枯桑嶷景斜年來流水竭清渭未堪誇

四

不才何入世無術更違時慚愧秘康憤登臨宋玉悲
老來萬里外歸去五湖遲西母遙相望山際恐間之

五

流落殊方老年過五十強乘軒我戴笠髮短自心長
詞賦憎鸚鵡益車困驢驢旅人何所伴相對暮山蒼

六

西州聞雁早東海幾時歸吟罷強排悶

劉楨云非好吟咏強裁詩

聊排悶耳

泥中任式微躋危絕交易貧病寄書稀馬上銷

駢肉秋風緩帶圍

七

防邊師武力健者在行間無俟通西域何如閉玉關
虎臣乘障臥星使泛槎還烽火平安報歌鐮有醉顏

八

八月西風冷浮雲蔽不開山村糶糶警邊驛喇嘛來
閉戶觀書倦彈琴沽酒田空林漸衰颯落葉令人哀

九

關山古隴塞，汧渭舊秦亭。明月經秋白，流泉激石青。
錦車馳屬國，宛馬逐房星。州縣勞人甚，何如棄野坰。

○○○十

地勢雄關隴，往來供億繁。西連瀘野澤，

禹貢原隰底，績至于瀘野。

南接漢江源。小吏頻除館，征夫不復村。行行避驄馬，

洗耳掩柴門。

十一

飢寒羸父瘠，痛哭塞雲低。乞食如逃雨，餐蒲不洗泥。

賑荒煩

聖慮蠲賦獨秦西

發粟十萬石賑平慶臨鞏四郡，又蠲今年田租。

猶自號鴻雁，何當息鼓鞞。

十二

天靖山頭觀

山在秦州城北，玉泉觀也。

巖阿瓿，玉泉源。非天水出

清，共渭河傳。雲洞隗宮北，星橋漢柏邊。至今祠李杜，

詩興覺欣然。

觀中有雲陽洞，架壑為橋。曰星橋，李杜祠在其傍。

○○○十三

冀城門內柳板屋，是吾家。曲徑新開竇，枯池舊漲沙。

欲移陶令菊，不種邵侯瓜。自分安丘壑，河陽懶看花。

○○○十四

夏埋長統地，咲問屈平天。無客須尋醉，爾詩不浪傳。
驅饑隨鳥雀，適意傍林泉。自古多遷謫，長安遠日邊。

十五

辭家居塞外，玩世閱人間。玄鶴何嘗駕，青鸞祇在山。
伯陽經已化，老子有化胡經蘓武老方還。會見兒曹大能文，
窺一斑。

十六

曾傳同谷勝，連宰可同羣。萬丈潭無地，鳳凰臺入雲。
西從摩詰妙，摩詰西嘉陵江即此連宰亦善西韻與杜陵分。他日來

游此清音得共聞

十七

風疾青絲騎，星隄寶劍光。總戎開玉帳，多士擁氈牆。
治外非窮武，臨邊戒處堂。屯田漢克國，此策最為長。

十八

待欲依人去，途窮何所歸。腐螢空自照，效鳳覽誰揮。
心為秋聲折，魂兼暮雨飛。朝廷眷西顧，當不異恩威。

十九

憶見都門信，君駮解未難。此身留隴坻，何路渡秦乾。

交有子公力孤於范叔寒越盟猶昨日藉在舊鷄壇

二十

強項非時好手援更望誰惜無一女子空有五男兒
未筮中孚卦徒吟貝錦詩蹉跎卜宅杖策覓西枝

雙鸚鵡

偶得雙鸚鵡相依一老翁能言雖辯慧想嶽在樊籠
似為同聲應多因蒙難中翠衿真可惜憔悴刷秋風

出塞詞

旌門玉帳擁金符司馬防秋出上都爭看指揮雙捕

虜誰能面縛五單于

八月十六日遣使

泪下人還越心傷客滯秦浮槎方八月歸雁在三春
去路黃雲合他鄉白髮新年年勞遣使書信問交親

寄曹秋岳

霜飛鳴隴坂書寄自并州曹於去秋重以故人戀還
為逐吏憂先容非任德排難是同仇鄉心隨越鷺熙

日望高丘

寄曾道扶

一官慚我拙，八口藉君歸。多難親朋累，不才出處非。
關山偏久客，雨雪更無衣。衰年思把釣，北蕩有蘆碕。

寄繆文萬

家書漢陰至，心事淚痕中。瓜葛連東井，絲蘿斷北風。
雍端雖不慧，秦晉尚求同。莫以賢豪棄，元初望有終。

寄吳準庵

離羣棲渭北，別緒戀杉青。

杉青關與準庵別

老眼幾回望南

雲何處，停路難登隴。去夢易到，卿醒欲寄關山曲。愁君不忍聽。

寄褚硯耘

六年無一字，當怨隴頭人。嗚咽聽流水，躑躅難滯逐。臣已忘身北，叟又見雁南。賓愧附朱陳，後離居問所親。

寄李山顏

交情無貴賤，音問隔春秋。不少悠悠者，可如落落不。杜門知課子，出塞悔封侯。擬掃求羊徑，須同李郭舟。

寄朱近修

秋風送隴客，執袂憶西郊。患難誰憐病，迂踈自解嘲。不堪石父贖，所望范雲交。歸來有白社，重與話林巢。

○寄顧劔英

明年歸可得遲日興還長念佛詩三昧劔英素草玄
書一床以吾猶散誕將子尚清狂樂有南村老相於

飛鳥堂

○寄張二酉

寂寞歸榛曲才名換酒錢風前臨白袷座上失青氈

張為廣文罷職兼有母喪愁絕張衡賦荒餘陶令田乾坤容我輩

終得聚林泉

○寄錢栢園

得見并州札知憐隴坂人為官我放逐作客爾因親
生趣真如寄窮途倘不貧同盟零落又回首各風塵

○寄馬爾繩

寄隴多書信憐翁獨淚流老年心易折關塞路何悠
窮未交期盡狂還故態留須歲桑落酒待醉菊花秋

○寄王洧盤

聞君頭盡白如我眉冰霜始信貧堪病可能老更狂
耆英開洛社松竹閉西莊倘問歸來晚明年籬菊黃

○○○寄無相長老

公健猶如昔吾衰未甚今但虛沽酒意不得過溪尋
隴坻思歸客南村有素心將來好結伴把臂入珠林

戲寄濟上人

問師安穩否傳說耳多聾不落聲聞果還如古是公
相逢應握咲未見且觀空歸使難饒舌投詩慧眼中

寄海寧受茲弟

令弟少時蒙患難愚兄老去備艱辛須臾二十年間
事寥落四千里外人未得言歸雙鬢雪還期相見故
鄉春渭陽海浦真秦越但有南雲接塞塵

十六夜作

平分秋色送人歸此夕南飛烏鵲依秦隴水流自幽
咽關山月上少光輝誰家撤燭宿筵續獨我登樓老
興違却憶扁舟浮北蕩六年不到舊漁磯癸卯八月
十六夜泛

舟北蕩越
二日赴秦

十八日赴寧遠縣

記得官遊從此日恰因旅食倍傷秋執珪莊舄猶多
病逐客李斯何獨留兩馬一車非去魯憑軒作賦是
依劉分明羗父沙中語太息風塵老故侯

○○○○ 出門行

辭家出門重出門去此南村復羗村回首當亭是故里西風吹度黃花園鬢琴抱缺紅泉道瘠馬蕭蕭踏秋草故人致我一紙書舊榻還為徐穉掃關雲邊日落高丘清渭東歸背客流莫道樓卿喉舌在但持筆札謁諸侯

○○○○ 野田黃雀行

野田莽寥廓秋風寒日微溝塍被禾黍薄暮農人稀黃雀何喧繁同啄復同飛牛羊眠隴坂鳧雁集渚磯相忘兩不爭獨得安飽歸如何入城郭忍此空倉饑

○○○○ 廢將行

少年曾作羽林兒天下健者今當誰出身六郡良家子跋扈心輕百萬師誓將金印懸肘後那知迷道失前期辛苦空言大小戰棄置私門亭尉欺自非沈慶緣老罷却因李廣多數竒鶴彎蛇弓委第宅通侯上將屬偏裨匣中鳴劍將何用斫取扶桑蔽日枝

○○○○ 望老君山

老君山在眼日夕起秋烟翠落孤雲外丹舍返照邊

鳥飛知去路鹿過想耕田應是巖阿裏能容勾漏仙
○寧遠署中尋子帥寓室感懷之作

去日論詩地今為遊鹿場主人仍款洽賓侶少飛揚

東圃荒籬菊西園明月觴子帥舊寓署東今移構西園徘徊思舊

好悵望隴雲長

○逢入京使者附書郭寅客陳胤倩賦吟並自夫

入覲輜軒使投邊徒步人相逢生意氣乃肯念風塵

郭泰交游久陳登肝膽真封書煩兩寄為語病兼貧

○○○雨中懷聖阜途次

西風吹暮雨歸客辱泥塗隴坂攀躋過汧陽利涉無

路難僮僕少裘敝友朋孤更念君多病還須藥餌扶

○山城聞鐘

漏盡霜鐘度牀寒客夢清皈僧始有意送雁久無情

淒惻迴風末微茫帶水聲身遊在方外不道滯獮城

○○○秋日寓署率題

西園掃館謾相招流轉蓬萍散寂寞携伴小奴如野

鶴坐聽清渭似江潮讀書忽憶青蘿屋寄友還憐瑞

草橋東坡謫黃州寄王元直書云旅興鄉心風日好

草橋

東坡謫黃州寄王元直書云旅興鄉心風日好

登山準擬在明朝

○聞許仲將左遷建昌丞有懷

仲將先為石阡郡司理即古夜郎地

不辭星渚謫且喜夜郎還松觀未堪咏

建昌冷水觀有壽松許旌

陽掛

雲司去得閒籃輦尋遠社青眼對匡山江漢東

歸日能忘明月灣

明月湖在建昌

○睡

獨眠如習靜好夢即長生觀化華胥國皈依舍衛城
已知無住著何處有形聲柰為此身累晨興逐物情

○○○悲秋

悲哉秋氣滿涼秦老却虞翻作逐臣塞曲不堪吹笛
晚寒砧何處擣衣新雁飛隴月十年信蓬轉河風萬
里身節使臨邊頻採訪誰言渭叟尚沈淪

○○○送客之涼州

秋風白草路西出黑松林早棄傭書筆知懷題劍心
南亭他日宴塞曲到今吟
高適涼州靈雲池南亭宴詩常吟塞下曲且盡
一杯酒雲池寄好音

京師秋大水決東西河沿靈佑宮前火出地中
火光連別院水勢嚙通溝應切桑林禱還同瓠子憂

調羹須曲突作揖有安流寄語朝中舊無虛京洛遊

○○○清渭

清渭落城頭中宵枕渭流觀濤過八月聽水及三秋
帶雨魚龍喜兼風鳥鼠愁淒其寒不寐歸思共悠悠

歸羌
邑也

○出寧遠西關渡渭陽野宿

西尋沙路遠北渡里門稀水落蒼山斷田蕪白鳥飛
孤村投浪士高柳帶寒暉未盡冥搜興來朝入翠微

○渭陽新月

游魚去樂國新月漾清流邈矣渭濱叟嗟今無直鈎

○○○過礫石川望魯班山

層陰生遠壑靈籟發清川杳窈迷鳧鳥徘徊緩馬鞭

雲端一僧定

大休長老
住山中

谷口午鐘傳錯過名山去終

尋石上緣

○對雨感懷

積雨秋陰滯羈人鄉思長不堪衣結敝况是北風涼
短劔寒難看離琴淨不張蕭條空度日復此逼重陽

○○○送許鐵堂

旅處忘佳日花前遇故人
銜盃情爛熳失路話沈淪
詩賦名何益交游老自真
餐英共此夕携手各沾巾

○○○ 九日雨霽同友登鰲道西山

早是雨吹風將為秋送窮却逢山色好不放酒杯空
皂帽峯前側黃花潭上叢登高我望遠作賦屬諸公

○○○ 感遇

少年三賦獻明堂文彩才情羨馬揚
日照荷盤猶澹蕩雲霾沙磧更昏黃
非關晚節稱狂客可道為官是漫郎
搖落徒傷千里目秋風幾度雁南翔

二

黃花憔悴被空庭徙倚孤吟醉復醒
惟有敝裘熙日煖還將老眼對山青
負人愧入樂公社顧我能忘子玉銘
湖海浮沈聊遣悶新詩題向狎鷗亭

容我

入城非樂地容我是閒園
開卷如逢友高眠只閉門
將無累安邑聊此作平原
看到秋花盡東還好負暄

戲題

無官容放浪玩世足憑陵
五斗酒還少一升飯不能

齊劉元明為山陰令嘗日縣餐霞辟穀子飲汁坐禪
令惟日食一升飯莫飲酒

僧元是仙都長西來演大乘

沈醉何須身後名暮年不自謂狂生
蓬人到處留青眼應笑江東老步兵

○我與傭書人

凡上攤來錦繡段眼中看盡珊瑚鈎
不勞投我管城子即此封君定遠侯

○楊君贊再至卷中

頻年勞問訊萬里獨驅馳下馬看行色持書感舊知
將殘兩牙齒未送老頭皮韓贈劉師服詩口含兩齒無羸餘楊朴見你真宗妻

送以詩云這回不學深源泣徒傷親戚離殷浩被黜斷送老頭皮徒所浩咏曹顏遠詩云貧賤親戚離因泣下

○○○秋岳書至為予訟寬兼招歸去慨馬擬寄

萬里通書到冀城解紛招隱見交情水深惟恐蛟龍
得山遠多慚猿鶴驚塞外飛蓬催我老淮南獲樹傍

誰榮葛巾歸日重尋醉肯為車公一座傾

○立冬歸伏羗作

岳嘲久出塞隴吟又還羗北山移文南岳皂帽兒童

識寒沙道路長禦冬無旨蓄貯向有空囊日落山村

晚蕭蕭我馬黃

○十月三日夜夢得身入白雲鷄犬閒句枕上續

成一律

夢賦遠遊人世間銀魚焚却未還山家居東海桑田

在身入白雲鷄犬閒從此裹糧尋太華便須采藥駐

童顏抖擻浮生往樂所高僧傳樂所少人歸歟瓢笠

到萍關

○陳淇瞻攝別駕事至羗見訪

巷狹不鳴騶言尋柳市頭看園先問主索酒竟登樓

鄉語多真率狂懷略應酬題輿延佇久於爾見風流

○屢枉淇瞻携酒柳居促坐夜飲

陶亮遊閒業陶詩息交遊閑業王弘送舊醅相逢無十日每

飲必千杯葉落青山出窻開明月未冥然斯會好如

意舞高臺

無題

洛浦靈妃墜翠去漢濱游女弄珠回欲將羅縠慙

贈莫負他年杜牧來

○○○送姜千戎赴京補職

薊門迢遞出關東，
匹馬蕭條兩臂弓。
萬里橫行猶是健，
十年流落未為窮。
西州暫奏清商別，
北闕還售寶劍雄。
獨我據鞍無奈老，
不能投筆更從戎。

○○○送代家人作

八月遣書計日應到故作

花燼繁昨夜，
蟾子懸前除。
寒閨有底事，
果得關西書。

○○○二

藁砧書信至，
道是明年歸。
開箱檢羅綺，
分妾製春衣。

○○○三

小姑懶織錦，
小兒懶學書。
爺歸定問汝，
阿母當何如。

○○○四

庭中數鷺鴨，
檻內看猪羊。
料得前賓客，
還來舊草堂。

○○○五

難却窓前草，
滋君手種蘭。
羅牀連理枕，
掃待春風還。

○○○六

遣歸兩小婢，
能作羗中歌。
為言君對酒，
聽歌不厭多。

○○○幽人

階下流泉屋上山竹村茅舍白雲閑幽人鎮日無他
事危坐彈琴松石間

○贈咸寧郭丞九芝

浪漫誰相識雲霞我亦能已辭彭澤宰不負六安丞
閑月逢園客萍居託野僧郭以餉後至隴西寓萬壽寺交游曹子
建流藻足憑陵九芝為予友曹秋岳舊交

○○○○二

轉運關中餉逢迎塞外人不言行役苦但勸酒杯頻
治策偏憂國離騷共逐臣河梁今會面別路定交新

○○○贈岷州李守戎明庵

屯田上策備邊州鎮磧烽烟靜戍樓射虎岷山夜羽
沒觀書玉帳曉星流蕃人款塞皆驚面漢將歸營獨
飲頭誰道功無大小戰即今李廣定封侯

○○○重題報國寺陋室

每過斯陋室咄咄在其中寤寐成言咏饑寒度雪風
烏皮几已破白墮釵還空惟有銷愁物年年詩一筒

○○○送郭丞還京兆

送客西風馬首東盈囊詞賦未途窮雪深隴坂千山

白日近長安萬井紅已識秦中有隱吏莫言塞上遇
悲翁天涯歲暮輕分手別後魚書渭水通

楊雲嶠員外見訪不遇惠我尊酒此寄

世眼久無我古心獨有君謾勞頻送酒不得細論文
出戶應同懶離居足渙羣寄言慰寂寞東郭暮停雲

○○○喜遇遼陽孫太青張天若

代起斯文盛清才畏後生風流殿前柳金石賦餘聲
舉世真形穢而吾覺眼明所聞如所見磊落已多英

△永寧鎮西逢王明府融

相逢舊相識喜極復相悲垂首憐裘敝攀枝語路岐
風塵俱失職老大獨違時去此能歸隱嶽游尚可期

△同劉判官早發山丹

客袂蒙冰路馬蹄趁雪田不寒猶帶酒裝興似乘船
放曠聯新句窮愁送舊年誰云天地大爾我獨迍邐

○天衢鎮

踏雪向天衢蕭然興不孤斷山晴碎壁亂水晚連珠
路識樵人跡飢聽野鶴呼前村高酒價馬上自提壺

○○寄郭丞

白雪黃沙積隴坻美人相見定何時歲云暮矣冰天
外歸去來兮春草遲看劍不鳴吾失意引杯共語爾
留詩長安驛使虛消息望寄梅花報柳枝

○十二月十三日送君贊南還

送君酌酒傍河濱憑寄家書萬里身舊曆將除閔隴
月新年會探洛陽春教兒破產留先業貽我清貧與
後人辛苦莫辭江渭路還隨歸鴈向邊塵

△連明府惠酒貲侑以贈梅招飲對花得句
有錢斷酒債得酒照花茵故是花封宰偏憐酒國民

安排五斗飲領略一分春我比寒梅瘦君留青眼新

○○○沈郡丞李明府見招過歲不赴有作

寥落幾忘逼歲華故人念我在天涯相邀幸舍終慚
客久寓他鄉似戀家雪後初開缸面酒春前早看臈
梅花一年懶散無多日莫待周璆且閉衙

○○○除夜

爛醉杜陵因守歲少眠白傅為臨春由來新故偏多
感况復窮愁祗一身戶外兒童笳鼓競燈前形影酒
杯親勞神詩句休貪作週甲明朝是老人

行... 中... 詩... 卷... 終

...

...

...

...

...

...

...

...

留素堂詩刪卷十二終



